

Broj: 02/03-28-5328/16-2
Sarajevo, 24.03.2016. godine

Zapisnik sa sastanka Privrednog/poslovnog savjeta Općine Novi Grad Sarajevo

Shodno Odluci Općinskog načelnika o formiranju Privrednog/poslovnog savjeta Općine Novi Grad Sarajevo broj 02/03-28-4231/16 od 11.02.2016. godine, dana 24.03.2016. godine sa početkom u 15:00 sati, održana je druga po redu sjednica pomenutog radnog tijela u prostorijama Općine Novi Grad Sarajevo. Sjednici su prisustvovali Semir Efendić - predsjednik privrednog/poslovnog savjeta, Erdal Trhulj – zamjenik predsjednika, Džemaludin Kahrović – član, Mirela Bubalo – tehnički sekretar, Safudin Čengić – član, Hamed Ramić – član, Rusmir Hrvić – član, Amer Bukvić – član i Muharem Šabić – član, opravdano odsutan – Huso Ćesir. Na pomenutoj sjednici razmatran je slijedeći

DNEVNI RED

- 1) Usvajanje zapisnika sa konstituirajuće sjednice Poslovnog/privrednog savjeta;
- 2) Izvještaj o održanom Susretu privrednika „Lokalno partnerstvo za ekonomski razvoj“;
Uz informaciju o potpisanom ugovoru sa BBI za 2016.g;
- 3) Inicijativa za ulazak u procese prekvalifikacija/edukacija za deficitarna zanimanja
Uz Informaciju o potpisanom Memorandumu sa Zavodom za zapošljavanje KS (analiza prijedloga privrednika za upošljavanje kroz prekvalifikaciju ili dodatnu edukaciju);
- 4) Analiza prijedloga Hastor fondacije i grupe raznih industrija za osnivanje Centra za strukovnu prekvalifikaciju (za oblasti tekstilno-kožne, drvne, građevinske, gastro-turističke industrije...) u prostoru Centra Safet Zajko;
- 5) Razno

1. Usvajanje zapisnika sa konstituirajuće sjednice Poslovnog/privrednog savjeta

Zapisnik jednoglasno usvojen.

2. Izvještaj o održanom Susretu privrednika „Lokalno partnerstvo za ekonomski razvoj“; Uz informaciju o potpisanom ugovoru sa BBI za 2016.g;

Izvještaj je podnio pomoćnik načelnika Službe za privredu i lokalni ekonomski razvoj Džemaludin Kahrović čija je služba bila i organizator pomenutog susreta. Prisutni su upoznati sa efektima susreta privrednika, kao i sa analizom ankete koja je provedena među privrednicima.

3. Inicijativa za ulazak u procese prekvalifikacija/edukacija za deficitarna zanimanja Uz Informaciju o potpisanom Memorandumu sa Zavodom za zapošljavanje KS (analiza prijedloga privrednika za upošljavanje kroz prekvalifikaciju ili dodatnu edukaciju);

Po osnovu ankete koja je provedena na susretu privrednika i zahtjeva za radnom snagom koju su privrednici pokazali na tom susretu, kao i potpisanog Memoranduma o razumijevanju i saradnji u

realizaciji projekta zapošljavanja pripravnika i prekvalifikacije radnika za deficitarna zanimanja između Općine Novi Grad Sarajevo i Javne ustanove Služba za zapošljavanje Kantona Sarajevo, Općina je namijenila određena sredstva za ove potrebe u tekućoj godini i nastojat će da nezaposleni dobiju posao nakon prekvalifikacije u firmama u kojima će se obučavati za potrebna deficitarna zanimanja.

4. Analiza prijedloga Hastor fondacije i grupe raznih industrija za osnivanje Centra za strukovnu prekvalifikaciju (za oblasti tekstilno-kožne, drvne, građevinske, gastro-turističke indusrije...) u prostoru Centra Safet Zajko;

Nakon što je Općinski načelnik upoznao članove Savjeta o inicijativi Hastor fondacije za osnivanje Centra za strukovnu prekvalifikaciju u prostoru Centra Safet Zajko, poslovni/privredni savjet je istakao stav da se stručna edukacija koja je težište prekvalifikacije mora vršiti na poslovima struke isključivo u firmama koje se opredijele da uzmu učešće u procesu prekvalifikacije.

5. Razno


Općinski načelnik informisao je prisutne članove o značajnim aktivnostima Općine Novi Grad Sarajevo u narednom periodu.

Nakon diskusije prisutnih doneseni su slijedeći

Z a k l j u č c i

1. Dostaviti analizu ankete provedene na privrednoj manifestaciji „Lokalno partnerstvo“ svim članovima poslovnog/privrednog savjeta na komentar
2. Dostaviti svim članovima poslovnog/privrednog savjeta poziv za učestvovanje u projektu zapošljavanja pripravnika i prekvalifikacije radnika za deficitarna zanimanja


Sjednica je završena u 16:30 sati
Zapisnik vodila: Mirela Bubalo



DOSTAVITI:

1. Predsjedniku Privrednog/poslovnog savjeta
2. Zamjeniku predsjednika Privrednog/poslovnog savjeta
3. Tehničkom sekretaru Privrednog/poslovnog savjeta
3. Članovima Privrednog/poslovnog savjeta x 6
4. Arhivi

Predsjednik Privrednog/poslovnog savjeta



mr. Semir Efendić